

**PKR dakwa George Kent 'perantara' PM, Thales
MalaysiaKini.com
13 Julai, 2012
Oleh Aidila Razak**

PKR hari ini mendedahkan dokumen yang didakwa menunjukkan bahawa Thales International, syarikat yang didakwa terbabit dalam urusniaga Perancis-Malaysia dalam pembelian kapal selam, akan memenangi bidaan untuk projek sambungan LRT Ampang.

Pengarah strategi PKR Rafizi Ramli mendakwa dokumen tersebut menunjukkan bahawa Thales menggunakan syarikat tempatan George Kent sebagai "perantara" dengan Perdana Menteri Datuk Seri Najib Razak.

Beliau merujuk kepada laporan didakwa sebagai penilaian teknikal oleh Halcrow untuk projek tersebut, beliau mendakwa Thales akan memenangi bidaan berkenaan.

Thales terlibat dalam tiga usahasama yang membida untuk projek berkenaan, dakwanya.

Tiga firma usahasama itu termasuk konsortium George Kent-Wijet-Thales yang dinyatakan akan dipertimbang walau gagal dalam penilaian teknikal, dakwa Rafizi yang merujuk laporan penilaian teknikal Halcrow.

Rafizi mendakwa, kesemua peraturan telah dilanggar untuk memberi kelebihan kepada Thales.

"Siapa lagi yang boleh membuat arahan ini melainkan ia berada bawah naungan perdana menteri?," soalnya.

Projek berkenaan berada bawah skop Kementerian Kewangan yang diketuai perdana menteri.